

YU NO BIHAINIM PASIN BILONG PUKPUK

Ol man bilong nambis i save long pukpuk. Na ol i pret long em. Na yu tu, taim yu lukim tasol piksa o poto bilong em na bikpela maus bilong em i op i stap, ating, yu tu yu pret. Yu no laik bai ol tit bilong em i wilwilim yu.

Tasol sutman i go lukautim pukpuk i save trikim em long dispela bikpela maus bilong em yet. Sutman i karim stik i go wantaim. Em i kamap klostu long pukpuk, orait, em i kisim stik na tromeim i go long maus bilong pukpuk. Nau pukpuk i ting na wok long wanpela samting tasol: long holimpas dispela stik. Em i pasin bilong pukpuk; samting i stap long maus, em i no mas lusim. Olsem na sutman i trikim em isi tumas. Em i kisim hap string nating na i pasim maus wantaim stik, tupela wantaim.

As bilong dispela trik em hia: pukpuk i gat bikpela strong bilong pasim maus; tasol em i gat liklik strong tasol bilong opim bek maus bilong em. Smatpela sutman i save pinis long dispela samting na olsem em i trikim pukpuk na kalabusim.

Lukaut yu no wankain olsem pukpuk. Nogut yu gat bikpela strong bilong pasim han bilong yu, na liklik strong tasol bilong opim. Bai dispela pasin i pinisim yu. Bai yu olsem pukpuk na yu no gat pren.

Man i pasim han bilong em, em i no inap givim wanpela samting, na tu em i no inap kisim wanpela samting. Man i opim han bilong em, em i save givim olkain samting na tu em i save kisim olkain samting. Em i lo bilong han bilong yumi.

Han i op, em i save mekim olkain gutpela wok. Em i save wokim gaden na wokim haus na sapim kaving. Han i op, em i save rait, i save stretim sik, i save pilim narapela manmeri, i save bungim na holim na givim kaikai long maus. Han i op, em i ken sekan wantaim arapela man.

Tasol han i pas, em i save brukim ol samting. Man i laik pait, em i brukim han, i pasim bai em inap slekim birua bilong em. Man i belhat i save litimapihan i pas i go antap na yu lukim na yu pret. Long wanem yu save dispela kain han em inap bagarapim yu. Em i no save helpim yu.

Nau yu lukim han bilong yu yet. Em i op o em i pas? Ating-

Long dispela yia samting olsem 10,000 Enga pipel i bin mekim moa olsem 35 pait nabaut long provins bilong ol. I no gat wanpela as tasol bilong ol dispela pait. Nogat. Planti liklik lain i kirap kros namel long ol yet. Inap nau 6-pela man i dai pinis, planti haus i paia pinis, na gaden i bagarap.

Sampela man i save tumas long tingting bilong ol Enga, i pilim, ol lapun man yet i save skrapim bel bilong ol yangpela long kain kain stori bilong graun. Na planti taim ol dispela stori i no tru. Long sampela ples dispela graun wanpela lain i sindaun long en nau, ol yet i bin stilim long narapela lain long taim bilong ol tumbuna, olsem na em i no graun tru bilong ol. Em i hatwok long painimaut wanem tok i tru na wanem i giaman.

Planti taim ol paitman i no tok tru long ol plisman long wanem samting i as tru bilong pait. Na ol plisman i no save gut long tok ples. Na sampela bikpela memba bilong palamen tu i no gat strong, bikos ol i bilong wanpela lain insait long pait. Na sampela tu i no gat graun, olsem na long ai bilong ol pipel ol i no gat namba na pawa.

Ol yangpela man i mas go insait long pait. Em i bikpela lo bilong lain. Maski ol yangpela i no save long as bilong pait. Maski ol i no laik. Ol i mas holim spia banara kwik-taim na resis i go. Tude i gat planti saveman insait long ol Enga. Tude, ol i no gat namba yet na ol i no gat pawa. Ol bikpela man i winim ol long ples.

Ol Kristen sios tu i wari planti. Planti Enga i Kristen, tasol ol lokal sios lida inap nau i no inap stapim ol pait wantaim ol aidia na bilip na tok bilong Gutnius.

OL I WELKAMIM PRAIM MINISTA

NA KAPSAITIM WARA ANTAP LONG EM

Pasin bilong ol man bilong Siassi Ailan klostu long Lae bilong welkamim wanpela bikpela man, em ol i kisim baket wara na i kapsaitim antap long het bilong em. Ol i bin mekim long Praim Minista na em i kalap nogut.

Mista Somare i bin raun nabaut long Finschhafen, Pindiu na Kabwum na Siassi insait long Morobe Provins long strongim tok bilong ol Pangu Pati memba na helpim ol long winim sampela vot.

Long Finschhafen em i bungim samting olsem 800 pipel. Na bikpela tok bilong em hia em dispela: Pangu Pati i ting long makim wanpela nupela minista insait long gavman; em minista bilong yut developmen. Dispela minista bai bungim olgeta wari bilong ol yangpela pipel na em bai gat wok long stretim ol dispela wari.

Mista Somare, lida bilong Pangu Pati, i tok: Pangu i no ting ol yangpela pipel i as bilong bikpela

wari tasol insait long PNG. Nogat. Ol i gat planti gutpela samting insait long ol. Yumi mas bihainim sampela grup olsem Yangpela Didiman bilong Banz - em gutpela eksampel bilong mekim ol yangpela pipel i mekim gutpela wok.

Mista Somare i tok tu: bai i mas gat moa voke-senel skul. Na narapela tingting bilong em: yumi PNG i mas amamas tru long yumi laki na yumi fri. Hia olgeta manmeri ken vot long laik bilong ol yet.

Poto i soim Michael Somare wantaim famili bilong em sampela yia bipo long Wewak. P. Joe Jurczyga i kisim poto.



PAS I KAM LONG OL PIPEL

PLISMAN BEKIM TUPELA TOK

Dia Edita - Mi laik bekim pas dispela poroman bilong Pangia nem bilong em Wiru Keme. Poroman ya i tok bilong em mi bih ritim long Wantok pepa bilong Sarere 9 Epril, 1977. Em i bin tok olsem sapos plis i bungim wampela spakman long rot, orait ol i mas kisim em i go long haus bilong em, sapos ol i save long haus bilong dispela spakman. Nogut ol man o ka i kilim em.

Mi bin kisim planti man i go long haus bilong ol tasol i luk olsem ol spakman taim ol i dring ol i no save tingting long laip bilong ol. Ol i save tingting long dring tasol na bihain ol i spak na wokabaut i go long haus. Mi bin lukim dispela planti taim na mi yet mi i save wok long painimaut dai bilong ol i kamap olsem wanem. Yu yet yu mas tingting, plis i no inap long tingting long yu spakman tasol. I gat planti kain kain man i gat wari na i laik plis i go stretim. Sapos plis i stat long karim man long Taven i go long haus, bai husat man i laik dring em bai i no inap long wari long painim rot long go long haus, long wanem em i stopim plis na ol i karim em i go. Dispela inap long kamapim nupela wari long ol marit manmeri. Na tu bai planti mani bilong gavman i lus nating.

Long sevim laip bilong man i spak, plis i ken wokim 3-pela samting:

1. Sapos ol i save long haus bilong spakman, ol i ken bringim em i go long haus bilong em.
2. Ol i ken lokim em long rum gat na taim spak i pinis ol i ken lusim em i go.
3. Ol i ken lokaim em na em i mas baim rum gat long K10 na em i go.

Dispela K10 i olsem tok promis bilong spakman long kamap long kot. Sapos em i kamap long kot long taim plis i makim, bai em i kisim bek K10 bilong em. Sapos em i no kamap long kot, bai K10 i go long

han bilong gavman. Ating dispela poroman Wiru Keme i amamas long bekim bilong mi. Sapos yu no amamas rait i kam long Wantok Niuspepa bai mi ken lukim.

Orait nau narapela bekim bilong mi i go long William Tama bilong Kokopo. Brata ya i bin askim long plis i mas mekim strongpela lo long ol draiva bilong ol p.m.v. Mi laik tok sori tumas plis i no save wokim lo. Lo bilong yumi i kam yet long Palamen bilong yumi na plis i save lukluk long husat man i brukim lo. Orait em i wok bilong plis long bringim dispela man i go long kot. I mobeta long yu bringim dispela wari bilong yu i go long memba bilong Kokopo na em i ken bringim i go long Palamen bilong yumi long taim bilong miting.

Em tasol nau ol bekim bilong mi. Mi i save wok long C.I.B. long Arawa Plis Stesin, Noth Solomon Provins.

Noah Busil
Arawa/Not Solomons.

OL MERI BAIM DUA

Dia Edita - Yes nau tasol mi laik autim wampela bikpela wari bilong mi. Em i go olsem.

Mi wampela man tu mi laik toktok helpim wari bilong wantok ya Jackson Salawa long ol man i mas baim dua fi. Em nau.

Tru tumas hia long Arawa ol i save helim danis tasol em ol man tasol i save baim get o dua. Na ol meri i save go fri tasol. Watpo tru? Em ol tasol i laik sevim mani. Mipela ol man tu i laik sevim mani. Em wampela taun tasol Arawa i larim ol meri i go insait fri.


Olgeta hap long Papua Niugini i no gat dispela kain pasin. Husat man o meri i putim dispela rul long ol meri i go insait nating? Traim na tingting.

Plis traime na yupela ol meri i mas baim tu dua fi

bihain go insait. Sapos yu baim pastaim na yu go insait wantaim ol bilas bilong yu, em bai mipela ol man i ken amamas.

Planti meri i save wok long B.C.L. Bank na ol ofis nabaut. Nogut yupela tasol ol meri i sevim ol mani bilong yupela. Na mipela ol man tasol i lusim mani nating.

Edward T. Kasimir,
Arawa.



Long dispela kain wailes wampela plisman i ken tok hait long arapela plisman.

MASKI WOK MANDE YU MAS WOK MANI

Dia Edita - Nau mi laik autim wampela tingting i go olsem. Ol man bilong ples i putim kaunsil takis na i no save kisim bek mani bilong ol. Olsem ol wokman bilong gavman o kampani i save kisim bek long inkam takis.

Dispela i no stret bilong wanem ol kanaka na wokman i peim sem amaun mani i go long kaunsil. Tasol mi ting ol kanaka i lusim mani bilong ol long kaunsil beng na ol wokman i kisim bek long inkam takis bilong ol.

Olsem na yupela ol kaunsil i no ken givim wok

ASUA!

Dia Edita - Long WANTOK namba 163 yupela i bin stori long ol VSO bilong Englan na yupela i bin tok ol i wok nating, na ol i no kisim pe. Em i no tru. Ol i save kisim pe i wankain long ol wokman bilong PNG stret, na i no moa, Tenkyu.

C.M. Tierney,
Kavieng.

strongpela tok bilong em i mekim na olgeta pipel bilong kantri bilong yumi ol i stap gut na tingting long lotu long indai bilong bikpela Jisas, long ol kain kain sios ol pipel i memba long en.

Mi tok gen bikpela amamas i go long Mista Pita Lus long tambuim strongpela dring na tu mi lukluk het yet long em i mas wokim wankain wok long dispela krismas i kam na tu long Ista bihain.

K.Gabby,
Bomana.

SALIM OL
PAS I KAM
LONG:

WANTOK
BOX 1982
BOROKO

BLAK MAKET

Dia Edita - Mi laik autim liklik wari bilong mi. Mi lukim long Is Sepik Provins. Ol vles klostu long Kubalia sap provins. Ol i save baim planti katen bia.

Bihain ol i tokim ol kandere bilong ol bai ol i dringim dispela bia. Tasol ol kandere i no inap ol i dring nating dispela bia bilong ol. Ol mas putim K12 kina long wampela wampela katen bia.

Mi ting long stua em i isi prais na ol i baim. Long ples ol i kosim K12 kina long wampela katen bia. Mi ting olsem i no stret long dispela kain pasim. Sapos yu laik mekim bisnis. Orait yu mas wokim kofi o kakau na kisim mani.

Katen bia em bilong yu long dring na amamas long bodi bilong yu. Sapos yu mekim yu mekim bisnis long katen bia. Orait pes yu mas kisim laisens long plis stesin. Bipo yu mekim bisnis long katen bia insait long ples.

So em tasol liklik wari bilong mi.

Thomas Fiawi,
Port Moresby.

TOK AMAMAS LONG PITA LUS

Dia Edita - Mi amamas long Minista Bilong Bosim Strongpela Dring na Baniis Kalabus, Mista Pita Lus i bin stopim drink long 4-pela longpela de malolo bilong Ista. Long gutpela



NIUS I KAM LONG OL MERI

SAMPELA WARI BILONG OL YUNIVESITI MERI

Bipo long sampela wik i gat planti toktok i kamap long niuspepa na redio long ol sampela trabel i painim ol meri i stap long bikpela Yunivesiti bilong Papua Niugini long Port Moresby.

Hetman bilong ranim Yunivesiti, Dokta Gabriel Gris, i bin mekim tok save long ol studen bilong yunivesiti, bihain em i bin kibung wantaim ol tokman bilong ol. Nogut ol papa-mama bilong ol studen meri i wari long ol pikinini bilong ol, olsem na hia mipela i laik autim sampela lo em Dokta Gris na Kaun-sil bilong Yunivesiti i bin wokim:

(1) I tambu long dringim ol strongpela dring long graun na kem bilong Yunivesiti. Long taim bilong bikpela skul pati tasol i no gat tambu. Tasol Dokta Gris bai tokim ol studen long dispela samting sapos taim i kamap. Long 20 Epril ol i pasim Yunivesiti Klap inap long taim ol samting i ran gut long kem

bilong Yunivesiti na i no gat trabel moa. Olgeta studen manmeri na tisa i pilim strongpela dring i as tru bilong ol trabel.

(2) Haus slip bilong ol studen meri, nem bilong em Luavi Haus, em i ples tambu tru long olgeta studen man na olgeta arapela man. Ol man i no ken kam lukim ol meri long dispela haus. Studen man o meri i brukim dispela tambu, bai i raus wantu long Yunivesiti. Sapos wanpela ausait man nating i kam long dispela haus, bai ol plisman i pasim na kotim em.

Na tu bai ol plisman bilong Yunivesiti i patrol gut long dispela hap klostu long Luavi Haus na i was gut long en. Na bai ol i sanapim moa pos na mas bilong lektrik lait nabaut long dispela hap.

Dokta Gris i tok, wanpela wari em i long ol meri i no save ripot sapos ol i bin painim trabel, o ol studen man i bin pretim ol.



OL MERI FIJI I WOKIM OL BILAS OL TURIS I LAIKIM

Samting olsem 600 meri bilong kantri Fiji i mekim gutpela bisnis tru. Ol i sindaun long haus bilong ol yet na i kisim ol lip kokonas na saksak na karuga na i save wokim olkain basket na mat, na bilas bilong banis bilong haus, na na liklik brasbel, em ol samting ol turis i laikim tumas.

Na tu planti kantri i laik baim ol dispela kain samting. Nu Silan i bin salim wanpela oda bilong 300 basket ol meri i save wokim long lip kokonas.

Ol meri Fiji i sindaun long taun - em ol i gat planti taim - ol i save go long maket na baim ol lip kokonas, na lip saksak, na lip karuga inap long 50 toea. Na bihain ol inap wokim basket na winim 4 kina long maket. Long ol viles meri i gat ol dispela kain lip long gaden na graun bilong ol yet.

Long dispela kain wok ol meri i save winim inap K12 long wan wan de. Ol man bilong ol i gat bikpela save, i no inap winim dispela kain pe.

Ol meri i bin lainim ol dispela kain wok long ol vokesenel skul long Fiji.

Olsem ol i laik soim, i no ol manmeri i gat bikpela buksave tasol ol inap long winim bikpela na gutpela mani. Nogat.


Ol Filipino i gat bikpela na gutpela save long wokim ol naispela kain kain samting long ol samting bilong bus, olsem skin bilong diwai, na ol kramsel bilong solwara, na ol sel kokonas, na skin kokonas na ol galip.

Pasin bilong meri Enga long katim pinga sapos em i gat wari.



SINGER

*A Trademark of The Singer Company



PREN BILONG YU INAP OLTAIM

OL RHODESIA MISINERI WARI NAU

Long kantri Rhodesia long Afrika we ol blakman i laik rausim gavman bilong ol waitman, ol katolik misineri i painim taim nogut tru.

Long Rhodesia i gat 51 Lokal na 329 Yuropien Katolik pris; 20 Lokal na 133 Yuropien Bruder; 435 Lokal na 564 Yuropien Sister. Ol i gat 758 misin stesin na 411 smolpela stesin. Na long ol skul bilong ol i gat 45,000 sumatin. Ol lokal pipel i laik bai ol pikinini bilong ol i go long ol dispela misin skul; na i no laikim tumas ol skul bilong gavman.

Ol misineri i save wok tu long planti smolpela ples nabaut long bus. Na hia ol lokal man bilong Rhodesia i bin ranawe na kamap soldia hait ol i save kam long ol dispela liklik ples long wanem ol i save moa long ol misineri. Na tu ol wantok na wanfamili na sumatin i bilong ples bilong ol. Na ol sumatin i mas hapim kaikai wantaim ol dispela soldia hait. Sapos ol sumatin i no mekim olsem, bihain bai nupela gavman i kamap, bai ol i bagarap stret. Ol niuspepa i ting bai ol blakskin i bosim kantri Rhodesia bihain long tupe-la yia.

Sapos ol misineri i helpim ol soldia hait ol inap long lusim laip bilong ol long han bilong ol soldia bilong gavman. Na sapos ol i no helpim ol soldia hait, bai ol i kilim ol. Tasol ol i no pret; ol i no ranawe. Ol i sambai i stap. Long Februeri 13 i dai.

Long Rhodesia gavman i gat sampela arapela wari i putim hevi long gavman bilong ol waitman. Ol blakskin meri long Rhodesia i karim planti pikinini moa. Olgeta yia ol i karim 200,000 pikinini. Na i gat 240,000 waitman tasol i stap insait long Rhodesia na i bosim 6,300,000 blakskin. Em i min i gat wanpela waitman tasol long olgeta 23 blakman.

Na tu ol waitman i pret na long yia i go pinis 7,000 i lusim Rhodesia i go. Ol i ting long dispela yia samting olsem 15,000 moa bai i go.

Planti samting i go slo nau. I no gat planti ausait kantri i laik mekim wok bisnis wantaim Rhodesia. Wan wan turis tasol i kam lukim dispela naispela kantri. Planti hotel i pas pinis. Ol i no wokim planti nupela haus moa.

PLANTI TAUSEN PIPEL

RANAWA LONG

KANTRI UGANDA

Uganda em i bikipela kantri long Afrika we presiden bilong ol, em Idia Amin, i save kilim planti tausen ol man em i no laikim, bikos ol i bilong arapela lain o arapela lotu. Olsem na 10,000 i bin ranawe i go long ol kantri klostu, em Kenya na Tanzania.

Insait long ol nupela kantri bilong Afrika i gat moa olsem wan milion pipel i bin ranawe bikos gavman i egens long ol bikos ol i bilong narapela politikal pati, o narapela lotu, o narapela lain o famili.

Nau planti saveman i ranawe long Uganda: ol dokta, bikipela tisa, ofisa long ami, na bikipela man bilong politik.

Presiden Amin i laik kilim olgeta man bilong tupela lain: Acholi na Langi. Em i pilim ol i birua bilong em. Olsem na em i wok long kilim indai ol bisop na pris na soldia na pablik sevan i bilong dispela tupela lain.

Nau Englan i gat bikipela wari. Bai Idi Amin i kam long Englan long miting bilong ol komonwelt kantri o nogat? Na em bai insait tu long ol selebresen bilong kwin? Kwin em i het bilong Engliken Sios, na Idi Amin i bin kilim wanpela asbisop bilong Engliken Sios long han bilong em yet - sampela niusman i tok olsem.



OL LUTERAN LUSIM REDIO STESIN

Gavman bilong kantri Ethiopia long Afrika i bin tekewe redio stesin long han bilong ol Luteran long biktaun Addis Ababa. Dispela redio stesin inap nau i gat nem "Nek bilong Gut-nius" (Radio Voice of the Gospel). Na gavman i bin givim nupela nem long em: "Nek bilong Pait" (Voice of the Revolution).

Bipo ol Luteran i bin brotkasim nius na olkain program long lotu na tok

bilong God. Ol i bin wokim dispela stesin long yia 1963 na i strongpela moa na ol pipel long Afrika na Esia inap long harim. Hia tu long Papua Niugini yumi inap kisim long redio.

Maski gavman i brotkasim ol program bilong em long redio, ol Luteran i sambai yet long ranim ol masin insait long en. Nogut ol i bagarap na i lus nating.

ENGLIKEN HETMAN TOKTOK WANTAIM POP POL

Long Fraide, 29 Epril, namba wan hetman bilong Engliken Sios em Asbisop Donald Coggan i bin go long Rom bilong lukim hetman bilong Katolik Sios, em Pop Pol na toktok moa long wokim rot bilong tupela bikipela sios i ken bung wantaim gen.

Bipo long 400 yia ol Engliken ol i bilong Katolik Sios. Tasol wanpela kros i kamap namel long Pop na King Henri namba 8 bilong Englan long dispela taim. Na bikipela lain Katolik long Englan i bruklusim Katolik Sios na i kamapim ol Engliken. Inap long-taim moa tupela sios i no pren. Tasol nau tupela i surik i kam klostu moa olsem tupela brata i laik stretim tok kros namel long tupela.


Stat long yia 1960 ol hetman bilong Engliken na Katolik sios i bin kirapim toktok bilong stretim rot gen long bung wantaim long wanpela sios. Na ol i bin kam klostu klostu tru long sampela tingting bilong yukaris, na wok pris, na long Pop i ken kisim namba wan ples namel long ol bisop.

Tasol ol i no wantingting yet long dispela samting: moa pipel nating i mas kam insait na helpim ol bisop long ranim sios. Ol Engliken tu i orait long ol meri i ken kamap pris, na dispela em i bikipela tambu yet insait long katolik sios.



NAMASU

P.O. Box 615
LAE
Ring: 42.4200
Kampani bilong yumi

NAMBAWAN TIN PIS

NBC laik mekim wok i go het mobeta

Ating yu save i gat 739 manmeri i wok NBC; na bilong ol dispela 683 i lokal pipel.

NBC i gat wanpela bikpela nesenel stesin long Port Moresby, na 17 arapela provinsal stesin. Long wan wan provinsal stesin ol i ting long putim 20 manmeri; tasol inap nau nogat.

Ol provinsal stesin i save stat long hapas 6 long moningtaim tru na i go inap 9 klok. Bihain ol i stat gen long 5 klok long apinun na i go inap 11 klok klostu long biknait. Ol i no save wok planti long taim bilong biksan, long wanem ol tok long redio long dispela taim i save lusim strong bilong em, na i no inap yu-ken harim longwe. Klostu olgeta pipel i gat redio i save harim ol dispela lokal o provinsal stesin.

Papua Niugini i winim planti arapela nupela kantri long kain kain gutpela masin em i gat long ol redio stesin bilong em. Tasol NBC i wari na i ting ol program bilong em i mas mobeta. Em hia sampela wari bilong em:

(a) Ol ofisa bilong brotkas stesin i no save askim inap long tingting na laik bilong ol lisena. Ol tu i no tingting planti long save bilong ol lisena. Ol i hipim planti tok save tumas insait long sotpela program na i pasim tingting bilong ol lisena. Na sampela taim tu ol i no yusim tok ples ol pipel i ken harim.

(b) Planti saveman tumas na ofisa bilong sampela dipatmen ol i pret long toktok long redio; ol i sem na ol i seksek. Tasol, sori, ol dispela man yet i gat gutpela tingting.

(c) Ol anaunsa tu i no save tru, ol lisena o man i harim tok bilong redio, ol i save bilipim ol o nogat. Bipo ol man bilong bus i save bilipim olgeta tok ol i harim long redio. Tasol nau sampela taim ol i save raitim strongpela



pas i kam long stesin egens long sampela tok ol i bin harim. Ol pipel i lainim pinis long skelim tok.

(d) NBC i mas painimaut moa long hamas man tru i harim redio, hamas pipel i save tok pisin o tok inglis, na hamas man i save harim stret olgeta tok i kamap long redio. Bai NBC i ken save em i mekim wanem samting gutpela na wanem samting i no gutpela inap yet.

(e) Planti program bilong givim tok save long sampela dipatmen bilong gavman i save bringim tumas toktok insait long program na i pasim het bilong ol lisena.

Poto i kam long Dipatmen ov Infomesen na i soim sampela brotkas ofisa bilong NBC i wok bus long hap bilong Simbu, we ol meri i sindaun mekim wanpela singsing bilong ol.

YAMAHA

YAMAHA

NAMBA WAN AUTOBOT BILONG SEPIK



YAMAHA
OUTBOARD MOTORS

2HP 5HP 8HP 15HP 25HP 48HP

BAIM LONG :

Angoram:
Peter Johnson

Marienberg,
Katolik Misin

Wewak,
Ela Motors

ELA
MOTORS LIMITED

**Burns
Philp**

YAMAHA

YAMAHA



THE INVESTMENT CORPORATION OF PAPUA NEW GUINEA



MIPELA SAVE LUKAUT GUT LONG MANI BILONG YU

BAI EM I WOK

LONG HELPIM YU

NA KANTRI TU

Sapos yu laik save moa long we bilong kisim
winmani, yu rait long: Investment Corporation
P.O. Box 155
Port Moresby

NEM BILONG YU:

ADRES BILONG YU:

.....


Ol Engliken long bikpela kibung bilong ol long Dogura long Milne Be Provinsal i bin tokaut strong egens long pasin bilong yusim strongpela dring i bin karamapim dispela kantri hariap tru. Ol i bin sainim wangepa tok save na pepa na salim i go long olgeta memba bilong sios bilong ol.

Insait long dispela pepa i gat dispela tok: Pasin bilong fulspak, em i sin; em i pekato. Dringim bia em i no sin; tasol spak tru na go longlong long dring, em i sin.

Em i gutpela samting tru long ai bilong God long tambu olgeta long strongpela dring. Na tu em i givim gutpela eksampel long ol arapela pipel. Na em i rong tu long lusim mani long dring sapos famili i rabis long kaikai na long klos na ol samting olsem.

Long ol Engliken skul i tambu tru long givim strongpela dring long ol skulboi o skulmeri. Na ol bot na balus bilong misin i tambu long karim bia na strongpela dring i go. Na tu i tambu long dringim strongpela dring long ol bot na balus bilong misin. I orait long ol pris i ken yusim tasol wain bilong misa.

I tambu long salim olgeta strongpela dring long ol stua bilong misin. Sapos wangepa man o meri i wok long misin - olsem katekis o tisa o wokman - na em i dringim strongpela dring long ai bilong ol pipel long ples klia, o em i spak, bai bisop i givim strongpela tok long em. Sapos em i no stretim dispela pasin, bai misin i rausim em long wok wantaim misin.



Poto antap i soim nupela Sen Paul Katolik Sios long biktaun Mt. Hagen. Olgeta 16 Katolik bisop bilong PNG wantaim tokman bilong Pop long Australia, em Asbisop Gino Paro, ol i bin blesim dispela haus lotu. Ol bisop i gat bikpela kibung long Hagen.

Planti lokal pipel na yuropien bilong Hagen i bin wok inap sampela yia bilong pinisim dispela bik-

pela haus lotu. Man i bosim dispela wok em Pater Denis Rodgers.

Long taim bilong bikpela misa, bikpela kwaia bilong ol meri bilong Kumdi Haiskul i go pas long sing. Na bipo long selebresens ben bilong ol boi bilong Fatima Haiskul long Banz i bin pilai wangepa program musik.

Moa olsem 1000 pipel

wantaim ol naispela bilas bilong ol i bin bung long dispela lotu. Na i no gat inap spes long ol insait long haus lotu; olsem na samting olsem 300 i stap ausait na sampela bikpela lautspika i bin mekim save long lotu i go long ol.

Namba wan katolik misineri bilong Hagen em Pater Ross; em i bin kamap long yia 1934.

SAPOS YU LAIKIM BATERI TRU YU BAIM DISPELA KAIN

KASET BILONG MAXELL
Em i namba wan tru



BATERI BILONG MAXELL
Em i save wok longpela taim tru



yu ken baim long :

BRECKWOLDT & CO. (PNG) PTY LTD

P.O. Box 673, MADANG
PHONE: 822445

P.O. Box 1428, BOROKO
PHONE: 256144

P.O.Box 63, RABAU
PHONE: 922633

P.O.Box 90, LAE
PHONE: 423200

P.O. Box 11, MT' HAGEN

BIKPELA GABMASON RAIS FAM

Planti poto long dispela pes i soim wok rais long bikpela Gabmason Fam long Markham Veli, samting olsem 30 kilomita longwe long Lae. Fam ya i aninit long Luteran Ekonomik Sevis na em i wanpela ples we inap long 8 yia nau sampela saveman i bin traim groim rais. Em i dispela kain rais, ol i kolim long Tok Inglis "paddy rice". Dispela kain rais yu mas planim insait long liklik tais wara. Em i pasin bilong planim rais long olgeta kantri long Esia i save kaikai planti rais, olsem long Filipin Ailan na Indonesia na Saina na Japan.

Man bilong bosim dispela wok em i wanpela Filipino, nem bilong em Camillo Toledo. Em i bin wok 8-pela yia olgeta long



MISTA CAMILLO TOLEDO

groim rais long Gabmason. Wara bilong dispela wok i save kamap long wanpela hul wara long graun na i ran i go daun long wan wan gaden. Bipo dispela em i wanpela fam bilong groim ol sayor bilong maket na tu bilong kamapim planti kakaruk.

Dispela wok rais i bin

painim planti trabel. Pas-taim ol saveman i painim, dispela graun bilong Markham. Valley em i sot long wanpela marasin ol i kolim naitrojen. Na namba tu samting, planti kain bi binatang i bin pinisim rais. Bihain ol i bin painim sampela nupela kain gras rais i save winim ol dispela birua.


Tupela poto daunbilo i soim oslem wanem i mas gat planti wara bilong groim "paddy rice". Em i pasin bilong dispela kain rais. Na i mas gat spesel masin bilong brukim dispela graun i malumalu. Tasol i no gat masin bilong planim wan wan rais. Fama i mas mekim long han tasol. Bikbel o bafalo long poto wantaim draiva bilong em, dispela kain bulmakau em i namba wan tru bilong dispela kain rais. Em i laikim graun malumalu na tais na wara moa moa yet.



**SOUTH PACIFIC MACHINERY
BOX 6115, BOROKO**

Masport Distributors for PNG

*Ol kain masin
bilong katim gras
na brukim graun.*



Brukim 2 fit graun wantaim

5 HP, 4 strok ensin

i ran long let gumi

isi tru long ranim

Baim long:

Agquip, Rabaul

W. Hailans Motors, Hagen



Gabmason Rais Fam i save winim 2 tan rais long wan wan eka graun. Ol i save groim inap rais bilong ol skul olsem Balob Tisa Koles long Lae, Yangpela Didiman Koles long Banz, Martin Luther Semineri long Lae, na sampela haus sik. Na tu ol liklik ples nabaut long Gabmason i save baim olgeta rais bilong ol long dispela fam tasol.

Nau Mista Toledo na Luteran Misin i gat nupela tingting long dispela Gabmason Fam. Gabmason Rural Developmen Senta. Na ol i laik groim ol dispela samting long dispela fam: rais, mais, kon, sorgam, olkain sayor bilong maket, kakaruk, pik, bulmakau, suga, na groim tu olkain pis long ol tais wara. Ol pipel nabaut i ken kam tru na lukim na skul long ol dispela we bilong mekim bisnis long ples bilong ol na winim wan siling. Fam ya i bin painimaut tu gutpela we bilong

grisim graun - ol i save planim Mung bin olgeta tupela yia nabaut long ol gaden.

Mista Toledo i tok, insait long PNG dispela kain rais i save gro insait long tais wara (Paddy Rice) em i mobeta long arapela i save kamap long graun bilong gaden nating. Em i save karim planti moa. Na tu wara i save karim nabaut olkain marasin bilong graun insait long en. Mista Toledo i tok, fama i groim tasol liklik gaden drai rais olsem long ol hap bilong Is Sepik, em i no inap winim gutpela mani. Dispela kain drai rais bilong gaden em inap winim profitmani tasol sapos man i gat bikipela gaden moa na planti masin bilong wok long dispela gaden. Olsem Mista Toledo i ting dispela "paddy rice" em i mobeta long PNG long wanem PNG i gat wankain san na ren olsem Indonesia na Filipin Ailan na Malaya.

Olgeta poto long dispela pes i kam long Mista Toledo yet. Daunbilo yu ken lukim olsem wanem dispela "paddy rice" i karim planti moa na i gat bikipela mekpas gras; i no olsem rais i kamap long drai graun.



Namel long ol gaden i gat rot i antap na i pasim wara. Long dispela rot' bai trakta i ken ran. Taim rais i go, bai ol wara i ranawe na drai graun i kamap. Sapos i gat bikipela gaden moa, ol masin i ken katim rais; o man i ken katim long han na bungim long mekpas na bringim i kam long masin bilong tekewe skin rais.



EDUKESEN

PANGU i bilip



Yumi save kisim save long famili bilong yumi, long ol wanples bilong yumi na long ol skul. Ol viles woka i mas i gat moa helpim long mekim gut wok bilong ol.

Olgeta pikinini i mas kisim save long rit, rait na kaunim ol namba. Ol i mas kisim ol planti arapela save tu bilong mekim wok didiman na ol arapela kain wok long ol ples yet. Ol i mas kisim save tu gutpasin bilong tumbuna papa na bilong Jisas wantaim. Pangu i bilip olsem olgeta pikinini i mas stap sikis yia long ol praimer skul na foa yia moa long ol hai skul - inap ten yia olgeta. Na ol skul tu i mas senis. Ol skul i no faktori bilong redim ol pikinini long wok kuskus tasol. Nogat tru. Ol skul i mas redim tu ol pikinini long mekim wok long ol ples na long sindaun gut long ol ples taim ol i pinisim pinis skul bilong ol.



Wingkeo Williong, Nesenel Seketeri, Pangu Pati
P.O. Bokis 623, Port Moresby, i bin oraitim ol dispela tok.

Wanpela man tasol i stap long dispela maunten nem bilong em Ketpi. Nem em nau tasol ol waitman i kam na kolim maunten Hagen. Bipo tumbuna i kolim maunten Mul o Kumdi tasol.

Em man Ketpi i stap insait long dispela maunten Hagen. Dispela man Ketpi em i no gat akis na sarip na em i wok long paia tasol long as bilong draipela diwai. Wanpela taim Ketpi i wokim bikipela gaden na planti smok i kamap long dispela hap bus. Narapela man em i stap long Kuli klostu long Urup, nem bilong em i Pulingawirni.

Wanpela de em i kam long maunten Kumdi na em i redi long i go long maunten Kumdi na em i karim akis. Dispela akis em akis ston tasol bilong tumbuna bipo. Na em i kirap long moningtaim tru long 6 klok i go long maunten Hagen. I go, i go painim 6 klok apinun kamap long maunten Mul. Na baga Ketpi i tok gude long Pulingawirni. Na em i bekim tok gude long Ketpi. Na tupela i amamas long tok tok wantaim.

Pulingawirni i givim akis long Kepti na Kepti i givim sol kanaka long Pulingawirni. Tupela i pren tru na i stap long Maunten Mul. Na tupela man i karim umben i go long wara na kisim pis long wara. Umben bilong Ketpi wan-

lain Kumdi kamap long rokrok



pela rokrok i stap insait. Na moningtaim tupela i go long wara na lukim umben na kisim dispela rokrok i kam aninit long wara. Na dispela rokrok i kamap meri na Ketpi yet i maritim dispela rokrok i kamap meri na kolim nem bilong meri em Rok. Tok ples mipela i kolim rokrok olsem na tupela i kolim nem Rok.

Pikinini bilong Ketpi na Rok em meri, na man Pulingawirni i marit na karim planti pikinini man

na meri. Na ol bratasusa yet i tanim na maritim na karim planti. Na i kamap bikipela lain moa insait long Mt. Hagen. Lain ol i kolim Kumdi Engafin. Narapela lain Kumdi Engamai. Narapela lain ol i kolim Kumdi Kombla na Witka na Rolimbo na Klimbi Akika/Yatni na Kunja Pandta. Em ol dispela lain man i kamap in insait long Mt. Hagen.

Mak i kam long Mt. Hagen i go i go daun long Baya riva, dispela isin msn-

meri i kamap bikipela insait long Kumdi em tumbuna papa em Ketpi na Pulingawirni.

Paul Peng,
Baya Riva/W.H.P.

BENG TEKEWE

OL SEKBUK

Mista Pita Lus, Minista bilong ol Korektiv na bilong bosim ol strongpela dring, i bin tokaut long

samting i kamap long hap bilong em long Maprik na Wosera, na Yangoru, na Dreikikir long Is Sepik Distrik.

Em i tok: Sevings na Lon Sosaiti i bin kisim bek ol sekbuk bilong ol pipel i bin putim mani insait long dispela beng. Na beng i no bin tokim ol pipel watpo em i mekim olsem. Ol i laik save beng i mekim wanem kain wok wantaim mani bilong ol. Mista Lus i tok, mobeta beng i salim wanpela ofisa i go tok save na tok klia long dispela wari bilong ol pipel . .

TOBA PTY. LTD.


Lae, Port Moresby

CANTER

TIPPER

T120 MINIBUS

T120 UTILITY



LANCER

MINICA

CELESTE

SIGMA

OL I HETMAN BILONG SALIM OL MITSUBISHI KA

Dispela spes Yunaitet Pati i baim.

YUNAITET PATI

PATI BILONG YUMI LONG PLES

Yunaitet Pati i putim kendidet long OLGETA HAP



NAU MI ASKIM YU

SAPOS YUELA I LAIK GAVMAN I HARIM MAUS NA TINGTING BILONG YUELA
NA WOK WANTAIM YUELA

SAPOS YUELA LAIK GAVMAN I BRINGIM EKONOMIK DVELOPMEN NA KIRAPIM
GUTPELA SANS LONG KISIM WOK NA MANI

SAPOS YUELA LAIK GAVMAN I STRONGIM NA BIHAINIM LAIK BILONG
YUELA LONG PLES

Orait, givim pawa bilong yupela i go long

YUNAITET PATI

Sapotim mipela

Sapotim kendidet bilong Yunaitet Pati

VOT YUNAITET

Tok orait long dispela tok save i kam long
Sir Tei Abal, CBE., P.O. Box 3534, Port Moresby

Kopa Kampani
Wokim Longpela
Rot Aninit
Long Graun

Wok long rausim graun kopa long Bougainville i bin tekewe planti graun moa, na nau ol i gat trabel long wara i pulapim hul. Ol i save pamim wara i go antap, tasol olgeta taim ol pam i bagarap, ol man i no ken wok long kamaulim graun kopa.

Olsem nau kampani i gat nupela aidia long wokim wampela longpela hul o rot aninit long graun, bai wara bilong em yet i ken ranawe. Long wanem, ples bilong wok i stap antap long maunten.

Bai ol i katim dispela rot insait long maunten inap long 7-pela kilomita.

Wanpela samting moa, bai kopa kampani i baim 43 nupela trak. Wan wan trak inap long karim 170 tan graun. Na wan wan trak i kostim K500,000.



TRAIM AI BILONG YU.
 Lukluk gut na painim 8-pela ol samting i arakain long tupela piksa.



Mista Masket Iangallo, wanpela dairekta bilong Papua Niugini Developmen Beng, i tok wanpela kampani aninit long beng i bin baim Sparkola Bottling Kampani. Em wanpela kampani long Port Moresby i save wokim olkain loliwara.

Pablik Sevas Komisnin i bin tok save long i gat 48 pablik sevan i bin lusim wok bilong ol insait long gavman bilong resis insait long ileksen.

Tupela bilong ol dispela kendidet i hetman bilong dipatmen bilong ol: em Mista Joseph Aose, seke-teri bilong lo, Na Mista Noel Levi, seketeri bilong difens.

GAVMAN DIPATMEN PRINIM AS TINGTING
BILONG YUNAITET PATI

Yunaitet Pati i bin autim as tingting bilong em insait long tok save i karamapim 44 pes olgeta.

Dispela ol toktok i bin kamap long bikpela kibung bilong ol long Lae long Februeri 20 inap 22. Na long dispela kibung 400 tokman i bin kamap. Sampela i memba bilong palamen, na i bin gat moa olsem 30 kaunsil presiden, moa olsem 150 lokal gavman kaunsila, na lida bilong moa olsem 300 viies.

Yunaitet Pati i tok, ol dispela man i bin pasim tingting bilong ol insait long platform bilong Yunaitet Pati. Ol i bin autim tingting long 27 kain kain samting bilong gavman na kantri - olsem wok didiman na fma, moa gutpela rot, wok turis, na helpim ol lokal bisnisman.

Sapos wanpela man i laik kisim dispela olgeta tok bilong Yunaitet Pati na as tingting na aidia bilong em, em i ken rait i go stret long Office of Information, P.O. Box 2312, Konedobu. Bai ol i salim i kam long yu.

JANT HELPIM MAN I
LUSIM TUPELA FUT

Jant Kampani long Madang, em i bikpela kampani bilong Japan i save katim timba na i brukim liklik liklik na pulimapim long ol bikpela sip na salim i go long Japan long mekim strongpela pepa.


Wanpela lokal wokman bilong Jant, em Mista Hyan Sirrup bilong Madang, i painim birua long taim bilong wok na i lusim tupela fut bilong em. Em i katim tri na tri i pundaun antap long lek bilong em. Nau em i ken woka-baut long stik tasol . .

Tasol Jant i marimari na i laik helpim em long statim wanpela PMV bisnis bilong em yet. Jant i baim bagarap bilong em na i givim inap mani moa long baim wanpela trak i kostim K6,000. Na tu PNG Beng i bin helpim em na Dipatmen bilong Bisnis Developmen. Nau Jant i helpim Mista Sirrup long painim wok bilong trak bilong em.

BOROKO MOTORS



**Tractors
Equipment**



**YU KEN LUKIM NUPELA FORD TRAKTA
 LONG BOROKO MOTORS LONG OLGETA**


**HAP BILONG PAPUA NIUGINI na tu
 long ARAWA MOTORS.**




**EM I WINIM OLGETA ARAPELA TRAKTA
 INSAIT LONG PAPUA NIUGINI**

******* PLANTI SPEA PAT**

******* PLANTI MEKANIK**





Dispela stori bilong Fantom i pinis nau. Neks taim bai mipela i statim nupela gen. Bihain liklik bai WANTOK i prinim narapela Fantom komik buk. Bai mipela tok save long en.

WOK BILONG V.S.O.

Lain bilong ol VSO i bin stat long Englan long yia 1958 na inap nau moa olsem 15,000 manmeri i bin goaut long ol nupela kantri bilong helpim ol long kain kain wok bilong ol. Olgeta yia moa olsem 1,100 VSO pipel i wok i stap insait long 40 kantri. Long PNG tude i gat 120.

Ol dispela pipel i save kisim pe wankain olsem ol lokal pipel. Tasol planti i gat bikpela save moa, na sampela spesel save. Gavman bilong Englan i save givim wan milion paun long yia long VSO na sampela arapela grup i givim samting olsem 200,000 paun.

Ol VSO i save wok tupe-la tupela yia long ol nupela kantri. VSO tu i baim rot bilong ol long kam; em tu i baim trening bilong ol.

Nau long dispela taim i luk olsem moa na moa VSO bai mekim wok marasin na helt.

VSO i min "Voluntary Service Overseas". Long tok pisin em min wanpela grup pipel i goaut long ol arapela longwe kantri long laik bilong ol yet bilong helpim ol pipel.

PNG NO GIVIM OFIS

YET LONG RASIA

NA SAINA

Long Janueri yet wanpela tokman i bin tok gavman i no orait long dispela taim long Rasia na Saina na Frans na Saut Korea i putim ofis bilong ol long Papua Niugini.

Dipatmen bilong bosim ol dispela samting i tok em i no gat inap spes bilong ol yet. Inap long nau i gat 7-pela ofis bilong ol ausait kantri i stap.

HAILANS SENTA

BILONG TRENIM

OL VILES LIDA

Wara Wahgi Plantasin long Westen Hailans i bin givim K100 long statim Nunga Viles Developmen Woka Senta long Dei Kaunsil eria.

Wok bilong dispela senta em i long trenim ol standet 6 dropout bai ol i ken

kamap lida long ples bilong ol.

Samting olsem 52 studen i bin givim nem bilong ol pinis na ol bai kisim kos inap long 3 yia long olkain pasin fama ol inap yusim long ples.

Man i stiaim dispela wok em Mista Kipa Bagl, kom-yuniti developmen ofisa. Wanpela komiti yet i ran-im skul.

Inap nau 5-pela kain

kain kampani i bin givim inap long K225 long helpim dispela wok na sampela moa bai mekim wankain. Mista Bagl i tok Mt. Hagen Rais Industri i bin givim 12 bek rais long helpim senta.

Dispela senta em i wanpela eksampel bilong selp help, i olsem olgeta pipel i wok wantaim long mekim go het: ol papamama, ol skulmanki, ol bikpela man, ol kampani, ol bikpela grup, ol lain.

Poto i soim laibreri bilong St. Xavier's Haikul Jong Kairiru Ailan, Wewak.



PAS I KAM LONG OL PIPEL

WATPO SANDE?

Dia Edita - Mi laik skruim tok bilong Brata ya F. Ahokake. Em i tok long lotu long Sande em i tru.

Mi ritim Baibel long Jenesis inap long Revelesen. Yu no inap painim Sande em de bilong lotu, o God i no malolo long Sande. Nogat tru.

Yu inap painim Sabat o Sarere, em de bilong malolo. God em i wok long Mande inap Fraide. Na Sarere o Sabat em i malolo.

Plis, olgeta pasto na bisop na Pater na Bruder na sios lida - plis yupela i mas tokim ol pipel long rait we bilong lotu. Maski long tokim ol long rong we long lotu.

God i tok long lotu long Sarere o Sabat tasol, i no long Sande. Sapos yu ritim

Baibel yu no inap painim Sande em i de bilong malolo, nogat tru. Ating ol misin ol i senisim de.

Ating em tasol tok bilong mi na man em i laik bekim pas bilong mi, mi amamas long lukim.

Elizah S. Maima,
Kundiawa.

ENGA HELPMAN BILONG BISOP AUTIM WARI

Dia Edita - Mi i no amamas long wampela trabel i stap olgeta yia long Enga na Simbu Provins. Mi lukim ol kristen bilong kain kain sios i go pait na kilim ol man nambaut. Wampela tok mipela i tok olsem Papua Niugini em wampela kristen kantri. Tasol hamas haiden i stap na hamas kristen i stap.

Mi pilim i no gat planti haiden i stap tasol sampela manmeri tasol i stap long wan wan lain. Olsem na planti kristen i stap na kristen tasol i skirap long pait.

Olsem na mi i no amamas long dispela kain pasin nogut. Na tu sampela yangpela man i go pinis long bikskul na kam i stap long ples long taim bilong holide o krismas samting, ol tu i go joinim ol lain na pait.

Taim ol i pait pinis na ol plis i kam na wok long stapim pait na kalabusim man long dispela taim. Ol kristen na skul man ol i giamanim plis na tok mi kristen o mi studen em ol i mauswara long plis. Giaman tru long waswas gut tru na kam sanap long ai bilong plis.

Plis ol brata bilong mi long nem bilong Jisas Krais, yu kristen orait, yu narapela kain man namel long ol man. Sapos yu studen orait yu narapela kain man tu long pes bilong ol man. Yu wampela saveman long tok bilong Jisas na yu wampela gutpela kristen man. Brata yu mas tokim arapela man i no gat save.

Maski long yu i go join wantaim ol man long pait na kilim man i dai na bagarapim bisnis bilong arapela man o brata bilong yu tu.

Sampela man i kisim bikpela dinau mani long Beng na statim wok bisnis na wokim stua na baim kopi tu. Na taim man i pait na kukim stua na bagarapim ol bisnis long dispela taim dispela bikpela dinau mani i go lus nating. Husat bai bekim dispela mnia? Mi no amamas tru long man i bagarapim ol bisnis nambaut. Pait inap long developim kantri bilong mitupela o bisnis?

Sapos long bisnis orait maski long bagarapim ol bisnis. Larem man i mas mekim bisnis na kristen na studen maski i go pait na bagarapim ol samting.

Papa God i givim blessing long wan wan man long ol kain kain samting na yu save wok long bagarapim. Dispela pasin em pasin nogut olgeta.

Em tasol dispela tok save mi putim. Brata sapos yu wampela kristen orait yu wampela gutpela bilipman. Yu ken soim bilip bilong yu long arapela brata bilong yu. Tenkyu long yu ritim dispela.

Mi asisten Bisop,
Philip Kiso,
Wapenamanda.

SALIM OL
PAS I KAM
LONG:

WANTOK
BOX 1982
BOROKO

ASUA BILONG MERI HAILANS

Dia Edita - Mi laik bekim pas bilong wantok ya Awu Awumi bilong Goroka. Yes brata mi baim wampela Wantok Nius long namba 9 de bilong mun Epril na mi ritim pas i kam long ol pipel. Na mi ritim yu tok ol man i save i go long balus i save giamanim ol

yangpela meri long Hailans na givim bel o pikinini na ranawe.

Yes brata em i no stretpela tingting bilong yu, laka? Mi bin i stap long Kundiawa inap samting olsem wan yia tu mun. Na mi save tru long ol yangpela meri long Hailans taim ol i promis long marit. Na ol i marit pinis. Em bai ol i stap wantaim dispela man samting olsem tu wik.

Bihain em i save pinis long dispela oi o man oke man i go pinis long wok em bai meri tu bai i go paul wantaim boi pren bilong bipo. Na em i save long man bilong em, wanem taim em bai pinis wok. Orait, em i mas sindaun long haus bipo man bilong em pinis wok na kam. Dispela problem tasol na ol nambisman i save lusim meri long hailans.

Yes brata Aulumi, sapos yu marit long nambis meri mi ting em i no inap mekim wankain pasin olsem tingting long man na pikinini lukautim haus na sindaun gut.

Em tasol bekim bilong mi. Sapos brata Aulimi yu

gat sampela moa long bekim dispela tok, rait tasol long Wantok Nius bai mi ken ritim.

Philip Monde,
Lae.

WATPO SEVIM AIGRAS?

Dia Edita - Mi laik helpim brata ya Alis Yong bilong Rabaul, long ol meri bilong Papua Niugini i so ov. Em i tru tumas. Yupela ol meri bilong PNG, yupela i save sevim aigras bilong yupela.

Yupela i ting olsem wanem? Sking bilong yupela i blak na yupela i save sevim aigras na yupela i laik kamap olsem misis. Yupela i no sem liklik long dispela samting yupela wokim?

Yupela sem nau em ol misis i save sevim aigras em pasin bilong tumbuna bilong ol yet. Yupela ol meri bilong PNG, wanem taim bai yupela lusim dispela pasin.

Yupela i luk olsem doli stret i tru tumas.

Dama Teine,
Not Solomons Provins.



Papua New Guineans' own national weekly in Melanesian Pidgin.

Editorial Office:
Box 1982
Boroko
Papua New Guinea
Phone: 25.2214
Telex: WANTOK
NE 22213

Branch Offices:
Box 396
Wewak
Phone: 86.2488

Box 90
Rabaul
Phone: 92.1355
Box 111
Wabag.

Australian Advertising Representative:
Kevin Engel
8 Duraba Pl.
Caringbah (2229)
Phone: 525.6263

Subscription rate:
Annual: K8.00.

TERRITORY NET SUPPLIES		
NAMBA WAN PLES BILONG BAIM OLKAIN UMBEN		
importers	fishing nets	
net tailors	ropes, twines	
retailers	leads, floats	
wholesalers	needles	
Retail Store Factory	P.O. Box 5860	Ph.25.6700
Pascall Ave., Badili	Boroko	Port Moresby

OL BAS I GO LONG HAILANS OLGETA DE	
GOROKA - LAE:	olgeta de
LAE - GOROKA:	olgeta de
GOROKA - HAGEN:	Sande, Tunde Fonde, Fraide
HAGEN - GOROKA:	Mande, Trinde, Fraide, Sarere.
PRAIS:	Goroka/Lae = K15 Goroka/Hagen = K13
RING:	Goroka: 72.1637 Lae: 42.4377 Ext. 1
STESIN:	Jumi Cabco Lae Maket kona Air Corps Rd.

Pater Kerubim Dambui, interim primia bilong Is Sepik Provinsal Gavman, i tok, em i ting em i mas pasim ofis bilong em long Wewak. Long wanem em i no save tru, em i gat wanem pawa bilong mekim kain kain wok bilong primia.


Pater Dambui i tok, long tingting bilong em, Nese-nel Gavman long Port Moresby i no tingting planti yet long provinsal gavman. Inap nau Is Sepik Provinsal Gavman i no gat lo bilong stiaim wok bilong em.


Long tok bilong lo bilong 1974, ol i mas putim ileksen bilong makim na votim primia bilong provinsal gavman, insait long 3-pela mun bihain ol i makim interim primia pinis. Na tripela mun i go pinis na i no gat ileksen.

Na olsem wanem nau? Dispela provinsal gavman bilong nau bilong Is Sepik em i samting tru, o long ai bilong lo em i no moa stap? Sapos em i no moa stap, Pater Dambui i primia o nogat?

Dispela hat bilong ol Simbai (daunbilo) i gat planti tausen grinpela bina-tang long en.

Poto antap i soim Is Sepik Provinsal Gavman Kaunsil wantaim Interim Primia Pater Kerubim Dambui. Em i gat mausgras na aiglas na i sindaun long han sut bilong Misis Barbara Malenki. Man long han kais bilong Barbara em i namba tu primia em Lorens Yakanduo. Ol arapela kaunsil ol i bilong ol lokal gavman kaunsil nabaut long Is Sepik Provins.





EM I ASUA BILONG HUSAT ?

